

GUX Nuummi atuangitsoortar-neq pillugu politikki

GUX Nuummi atuangitsoortarnermut isumaq aallaaveqarpoq atuangitsoortarnerujussuup piffissami sivikitsumi sivilunerusumilu kingunerissammagu ilinniarnertuunngorniartarneq pillugu Inatsisartut inatsisaanni nr. 13, 22. november 2011-meersumi ilinniartitaaneq pillugu ilinniagaqalernissamik piareersaataasutut tunngaviusumik anguniagarineqartoq malunnaateqarluartumik ajornarnerulissammat. Taamaalilluni atuangitsoortarnerujussuarmi aarlerinaateqalissaq ilinniarnertuunngorniartut piginnaasaqalernissamik ilinniarnertuunngorniarnep anguniarlugu sulissutigisaanik angusingitsoornissaat. Taamaattumik pingaaruteqarluinnartuuvoq ilinniarnertuunngorniartut atuartitsinermit malinnaanissaat aammattaq fagini allattariarsornermi suliassanik tunniussassanik tamanik naammassinnillutik tunniussisarnissaat, kiisalu allattariarsorluni suliassani aamma ulluinnarni atuartitsinermit pitsaassutsimut annertussutsimullu piumasaqaatinik naammassinnittarnissaat.

GUX Nuuk atuangitsoortarnermut politikkimut atatillugu marlunnik ingerlaveqarpoq. Ingerlavimmi siullermi pineqarput pinngitsoorani atuariartortarnissamut pisussaassuseqarneq pillugu ilinniarnertuunngorniartunut piumasaqaatit naatsorsuutigineqartullu erseqqissut nal. akunnerinilu atuarfiusuni peqataalluarnissaat, ingerlaviullu aappaani pineqarpoq GUX Nuup atuarfittut ilinniarnertuunngorniartunik tamatumingna pisariaqartitsisunik tapersersuisarnissamut pisussaaffeqarnera atuarfimmi ilinniarnertuunngorniartut ilinniartitaanerminnik naammassinnissinnaaniassammata, taamatullu piginnaasanik angusaqarniassammata ilinniagaqaqqillutik ingerlaqqinnissaminut atorsinnaasaminik.

Ilinniartup pisussaaffii

Pinngitsoorani atuariartortarnissamut peqataalluarnissamullu ilinniarnertuunngorniartut pisussaaffeqarput, tamanna atuartitsinermut, allattariarsorluni suliagarnermut, angalanernut, ilinniaqqiffissamik ilitersorneqarnermut, misilitsinnernut aamma soraarummeerluni misilitsinnernut kiisalu immikkut aqqissuussilluni ingerlatanut atuuppoq. Akuerineqarsinnaanngilluinnartumik tunngavissaqanngitsumillu atuangitsoortarnerit allattariarsorlunilu tunniussinngitsoortarnerit taamaalilluni kinguneqartinneqassapput ataatsimut isigalugit aammalumi fagini ataasiakkaani. Ilinniarnertuunngorniartut elevcoach-imik aamma psykolog-imik oqaloqateqarnissamut ornigunnissartik iliusissanullu pilersaarutininik malinninnissartik pisussaaffigaat.

Atuarfiup pisussaaffii

Atuarfiup pisussaaffigaa ilinniarnertuunngorniartunik tapersersuisarnissaq ilinniakkatigut, inuttut imaluunniit timikkut ajornartorsiutitigut, taamaaliornikkut ilinniarnertuunngorniartortoq piviusumik ilinniakkaminik naammassinninnissaanut periarfississallugu. Ukiup atuarfiusup aallartinnerani teamlærerit aamma klasselærerit atuangitsoortarneq aamma klassit ilinniarnertuunngorniartullu ataasiakkaat qanoq atugaqarnerat immikkut maluginiartarpaat. Inatsit malillugu atuarfiup ilinniarnertuunngorniartut 18-it inorlugit ukiullit angajoqqaavi tamaasa ilisimatittassavaat atuangitsoortarnermik allattariarsorlunilu suliassanik tunniussinngitsoortarneq pillugit ajornartorsiuteqartoqarpat, akuersillunilu atsiornermik pissarsinissaq atuarfiup angerlarsimaffimmini najugaqartumik ilinniartumik 18-it sinnerlugit

ukiulimmik oqaloqatiginnissutigissavaa, atuariartunngitsoortarnera imaluunniit allattariarsorluni suliassanik tunniussinngitsoortarnera annertuallaalerpat, taamaaliornikkut angajoqqaat atuarnera pillugu ataavartumik ilisimatinneqartassammata.

Inatsisitigut piumasaqaatit malillugit iliuserisassatit pilersaarutit

Ilinniarnertuunngorniarnarfinni ilinniarnermut ileqqorissaarnermullu malittarisassat pillugit Namminersorlutik Oqartussat nalunaarutaat nr. 10, 23. juli 2012- imeersumi ilinniarnermut aamma ileqqorissaarnissamut malittarisassaanni allassimavoq:

“§ 11. Ilinniarteq § 9 malillugu iliuseqarfigineqarpat iliuseqarnissamut pilersaarummik suliarinnittoqarnissaanik ilinniarteq piumasaqarsinnaavoq, tassuunakkut ilinniarteq pissusilersornermi iliuseqarnermik kinguneqaataasup allannortinnissaanut ilitsersorneqarlunilu tapersorneqassalluni. Ilinniarfik ilinniarteq, angajoqqaatut oqartussaaffigineqarpat taassuma angajoqqaatut oqartussaasui suleqatigalugit iliuseqarnissamut pilersarusiussaaq.”

Tassa imaappoq atuarfiup pisussaaffigigaa ilinniarteq angajoqqaavilu suleqatigalugit iliuserisassatit pilersarusiussalluni ilinniarteq 18-it inorlugit ukioqarpat, aamma ilinniartup malissallugu § 9 malillugu unioqutitsinermut kinguneqartitsisoqarpat. Ilinniartumut oqaloqatiginnittarteq aamma inulerinermik suliaqartut ilinniartut suleqatigalugit iliuserisassatit pilersaarutit suliarissavaat pilersaarullu Lectiomut ilanngullugu. Iliuserisassatit pilersaarutit naammassinninnissamut siunertaqarpoq, siunertaralugulu ilinniartup pissuserisaata, unioqutitsinermik kinguneqartitsisup, allannortinnissaanut tapersersuinissaq. Taamaattumik ilinniartup iliuserisassatit pilersaarummi allassimasut malissavai. Iliuserisassatit pilersaarutit iliuserisassanik amerlasuunik imaqarsinnaavoq, soorlu assersuutigalugu psykologimik oqaloqatiginninnissamik, allattariarsorluni suliaqarnermut inimut allalluni suliaqarfissamut innersuunneqarnermik, immikkut aqqissuussamik atuartitaanissamut noqqaassuteqarnermik, allattariarsorluni suliassanik tunniussisarnermut pilersarusiornermik imaluunniit atuarfiup neqeroorutaanik allanik.

Atuarfiup nalunaarsuinermit atortua

Ilinniartup pisussaaffigigaa atuariartunngitsoornermik klassimi nalunaarsuisartumut saaffiginninnissani, ilinniartup atuariartunngitsoortarneranut nalunaarsuinermit apeqqutissaqarpat imaluunniit erseqqinngitsoqarpat.

Napparsimaneq aamma immikkut atuartinneqarneq

Sivisuumik napparsimalluni atuannngitsoortoqarsimappat (soorlu assersuutigalugu napparsimavimmi uninnganermi imaluunniit assingusumi) rektori saaffigineqassaaq, taassuma tapersersuinertut atuartitsinissaq aamma immikkut atuartitsinissaq akuersissutigisinnaammagu. Taamatut immikkut atuartitsinerup napparsimalluni atuannngitsoorneq naammaginarumik taarsissavaa. Taamaattoqartillugu atuarfik nakorsamit allagartamik pissarsissaaq.

Timersorneq immikkut pillugu

Ilinniartut ajoqusersimanertik imaluunniit arlaannik aarlerinartoqarpat tamakkiisumik timersornermi peqataasinnaangitsut pisinnaanertik naapertorlugu peqataassapput. Piffissami sivisuumi imaluunniit tamakkiisumik tunngaveqartumik ilinniartuq timersornermit akuerisaasumik peqataasinnaajunnaarpat atuarfik nakorsamit allagartamit pissaaq, ilinniartorlu tamakkiisumik timersornermit akuerisaasumik peqataasinnaajunnaarnerani timersornermut taarsiullugu aallaaviusumik fagimik qinigassinneqassaaq. Ilinniartup nakorsamit allagartaq klassimi atuanngitsoortarnermik nalunaarsuisartumut ingerlateqqissavaa, taassuma timersornermik ilinniartitsisoq kingornatigut ilisimatissallugu.

Atuungitsoornermik nalunaarsuisartut aamma ilinniartunik ilitsersuisut il.il. ukiumi atuarfiusumi 2022- 2023-imi

Atuungitsoornermik nalunaarsuisartut

- Hanne Larsen: 1g.-ni klassini tamani, 2g.-ni aamma 3g./4g.-ni klassini tamani

Ilinniartunik oqaloqatiginnittartut

- Naja Olsen (psykoterapeut)
- Eskil Dahl
- Eufinia Kreutzmann
- Arkalo Skifte (taamaallaat ilinniartunut kollegiani najugaqartunut)
- Ninna Esrassen (taamaallaat ilinniartunut kollegiani najugaqartunut)
- Ole Christian Fritsen (taamaallaat ilinniartunut kollegiani najugaqartunut)
- Sequssuna Schmidt (idrætskoordinator)

Suliassat agguataarnerat

- **Faglærerit** akisussaaffigaat katersussallugillu aamma malitseqartitsiffigissallugit allattariarsorluni suliassat tunniunneqarnissaat.
- **Teamlærerit aamma klasselærerit** pingaarnerpaatut suliassaraat klassip aamma ilinniartut ataasiakkaat atugarissaarnissaat. Ilinniartunik ilitsersuisartunut nalunaartoqartassaaq ilinniartup ilinniarnernannut sunniuteqartumik ajornartorsiutaanik ilisimannittoqarpat.
- **Ilinniartunik oqaloqatiginnittartut aamma inulerisutut sulisut** atuarnermik naammassinninnissamut ilitsersuusiussapput iliuusissatullu pilersaarusiussallutik ilinniartorlu suleqatigalugu atuarnerannik naammassinninnissaat qulakkeerlugu, aamma angajoqqaat ilinniartoq 18-it inorlugit ukioqarpat, aamma atuungitsoornermik nalunaarsuisartup innersuussuteqarneratigut. Iliuusissatut pilersaarutit atuungitsoortarnerup appartinnissaanut erseqqissunik anguniakkanik imaqaassapput, atuariartunngitsoortoqartarnermut imaluunniit allattariarsorluni suliassanut tunngasuunera apequtaatinnagit.
- **Atuungitsoortarnermik nalunaarsuisartut** atuarfimmi ilinniartut

atuangitsoortarnerannik nakkutiginninnermut akisussaasuupput, nalilersussavaallu ilinniartunut ataasiakkaanut atatillugu qanoq iliuuseqartoqarnissaa. Atuangitsoortarnermik nalunaarsuisartut oqartussaasuupput ilinniarnermut aamma ileqqorissaarnissamut maleruaqqusani § 9 malillugu unioqqutitsisoqartillugu tamanik kinguneqartitsisarnernut atatillugu.

Atuangitsoortarnermut maleruaqqusat

Allattariarsornermi tunniussassat

Allattariarsorluni suliassat tamaasa tunniunneqarnissaannut pisussaaffeqarpoq, tassunga ilanngullugit pinngitsoorani suliassat pingasut.

Ataani allassimasut atuupput 3g, aamma 4G.

Atuarfiup qulakkiissavaa allattariarsorluni suliassat ukiup atuarfiusup ingerlanerani agguataarlugit pilersaarusiortarnissaat, aamma ukiumi atuarfiusumi 2022-2023-imi ilinniartut nal. akunneri qulit atuarfigisassaam amerlanerpaamik sapaatit akunneranni ataatsimi quliupput. Immikkut pisoqartillugu aamma rektorimik oqaloqateqarnikkut isumaqatigiissutigineqarsinnaavoq sapaatit akunneranni nal. akunneri atuarfiusussat klassini ataasiakkaani amerlanerusinnaanissaat isumaqatigiissutigineqarsinnaavoq.

Allattariarsorluni suliassat tamarmik Lectiomut ilanngunneqassapput septembarip aallaqqaataa tikitsinnagu ilinniartup piffissaq atugassaa ilanngullugu nalunaarutigalugu aamma suliassat tamarmik nalunaarsorneqassapput piffissap tunniussivissap iluani nal. akunneri 24-t qaangiutsinnagit tunniunneqarsimasutut imaluunniit tunniunneqarsimangitsutut.

Ilinniartut immikkorluinnaq pisoqartillugu imaluunniit napparsimanermi siumut qinnutigisinnaavaat piffissap tunniussivissap kinguartinnissaa, ilinniartitsisullu taamaallaat isumaqatigiissuteqarfigineratigut.

Ilinniartitsisoq tunniussinissamik aamma allattariarsorluni suliassanik nalunaarsuineramik akisussaaffeqarpoq, ilinniartorlu piffissaagallartillugu tunniussinngitsoorpat isumaqatigiissutigineqassaaq qaqugu suliassap tunniunnissaa sapinngisamik sivikinnerpaamik periarfissalerlugu. Ilinniartut tungaviumik pisussaapput suliassanik piffissaagallartillugu tunniussisarnissamut, aamma maleruaqqusat ilinniartitsisup saqqummiussai malillugit.

Ilinniartuq arlaleriarluni piffissaq eqqorlugu tunniussinngitsoortarpat ilinniartitsisup atuangitsoortarnermut nalunaarsuisartuq akuliutsissavaa. Atuangitsoortarnermut nalunaarsuisartuq ilinniartuq peqqussavaa piffissap atuarfiusup avataatigut takkunnissaa suliassat sularineqarnissaat siunertaralugu atuangitsoorsimanerup apparnissaata tungaanut. Ilinniartuq pinngitsoorani takkuttussaavoq, tamanna piumasaqaataappat.

Allattariarsorluni tunniussinnginnerup nammineq unioqqutitsinermi kinguneqartitsinernik tamanik kinguneqarsinnaavoq, aammattaaq ilinniartuq nal. akunnerinut atuarfiusunut tamanut takkuttaraluarpuunniit.

Suliassat atuutiinnassapput aamma aaqqissorneqartassallutik qaqugukkulluunniit tunniunneqaraluarpata, tunniussinngitsoornerlu Lectiomit ingerlaannartumik peerneqassaaq

suliassaq tunniunneqareerpat.

Atuanngitsoorneq

Atuanngitsoorneq kingusinnerpaamik nalunaarsorneqassaaq modulit ataasiakkaat ingerlanneqareeraangata. Ilinniartuq inortuippat modulimili ataatsimi minutsit 25-t sinnerlugit peqataappat ilinniartuq 50 %-imik atuanngitsoorsimaneranik nalunaarsorneqassaaq. Atuanngitsoornerit ataatsimut katinneqartassapput aamma fagini ataasiakkaani, tamatumalu kingunerissavaa fagini ataasiakkaani atuanngitsoornerit amerlavallaaraangata kinguneqartitsisoqarsinnaanera, naak atuanngitsoortarneq ataatsimut isigalugu ingasannikkaluartuq. Ilinniartunut ilinniartorlu 18-it inorlugit ukioqarpat angajoqqaanut Lectiokkut ataatsimut nalunaarsukkat akuttunngitsumik ukiumi atuarfiusumi nassiunneqartassapput.

Atuanngitsoortarnerujussuup kingunerisassai

Kinguneqartitsisarnermut atorneqartumi ingerlatsinermut inatsisitigut maleruagassat nalinginnaasut malinneqartussaapput taamaattumillu tunngaviusumik ileqquuvoq, kinguneqartitsinerit tamarmik ilinniartumik imalluunniit taassuma angajoqqaavinut, ilinniartuq angajoqqaaminik oqartussaaffigineqarpat. tusarniaassutigineqarnissaat

Pingaartuuvoq erseqqissassallugu atuanngitsoorpallaarsimanermi kingunerisassatut ataani allattorsimasut aamma iliuuserisassat imaanngitsoq taamatut tulleriiaarneqassasut, kisianni immikkoortillugit atuanngitsoorsimanerup qanoq ilungersunartiginera apeqqutaatillugu iliuuserineqassallutik. Atuanngitsoortarnerup nalunaarsorneqarnera ukiup atuarfiup ataatsip qaangiunnerani peerneqassaaq, kisianni ilinniartut ukiup atuarfiusup siuliani atuanngitsooqattaarsimasut ilinniarnermut aamma ileqqorissaarnissamut maleruagassani § 9 malillugu kinguneqartitsisoqarsinnaavoq ukiumi atuarfiusumi nutaami siumut avoqqaarliuteqartoqanngikkaluarluni aamma allakkatigut mianersoqqussuteqanngikkaluarluni.

Atuanngitsoorneq akuttunngitsumik nalilerneqartarpoq, aamma akuliuttoqassaaq atuanngitsoorneq ima annertutigilerpat akuerineqarsinnaajunnaarluni, ukiup atuarfiusup sumut killinnerani tamatuma pinera apeqqutaatinnagu.

1. Atuarfimmu takkutinngitsoornerit 1. oktoberi ukiullu atuarfiusup sinnerani 15 % qaangerpagu allakkatigut mianersoqqussummik tunniussisoqassaaq.
2. Suliassanik tunniussinngitsoornerit 1. oktoberi ukiullu atuarfiusup sinnerani 15 % qaangerpagu allakkatigut mianersoqqussuteqartoqassaaq
3. Takkutinngitsoortarnerit ingerlaannarpata iliuuserisassat allat atuutilersinneqassapput, matumuuna naqissuserneqassaaq atuarfimmu takkutinngitsoortarnerit 20-25% akornaniippata atuarunnaarnermik kinguneqartinneqassammata. Naatsorsuutigineqarpoq atuartut mianersoqqussummik tunineqarnikut piaartumik takkutinngitsoortarnermimmik aaqqiissasut, tamakkualu malinnaaffigineqassallutik ilinniartunik oqaloqatiginnittartunik aammalu inunnik isumaginninnermut suliaqartunik Rektor suleqatigalugu.
4. Ilinniartut immikkuullarissunik aqqusaagaqartut, peqquteqartulluunniit ataasiakkaatigut periarfissinneqarsinnaapput Rektor - imiit immikkut ittumik fagini tamani

misiltsinnissamut, imaluunniit nammineerlutik malinnaanissaminut 3 g aamma 4 g mi.

Atuanngitsoormik nalunaarsuisartut *piffissami* atuanngitsoortarneq nakkutigissavaat, tamannalu ataani titartakkami nalunaaqqutserneqarpoq:

Fravær												
Hold	Almindeligt fravær						Skriftligt fravær					
	Periode		Opgjort		For året		Periode		Opgjort		For året	
	Procent	Moduler	Procent	Moduler	Procent	Moduler	Procent	Elevtid	Procent	Elevtid	Procent	Elevtid
3 ps2	0,00%	0/127	0,00%	0/127	0,00%	0/127						
3GSK2	1,79%	2/112	1,79%	2/112	1,79%	2/112	0,00%	0/58	0,00%	0/58	0,00%	0/58
3QR DA	0,00%	0/111	0,00%	0/111	0,00%	0/111	0,00%	0/57	0,00%	0/57	0,00%	0/57
3QR Hi	0,96%	1/104	0,96%	1/104	0,93%	1/107						
3QR id C	0,00%	0/56	0,00%	0/56	0,00%	0/56	0,00%	0/5	0,00%	0/5	0,00%	0/5
3QR st m	0,00%	0/20	0,00%	0/20	0,00%	0/20						
3R En B	2,22%	2/90	2,22%	2/90	2,22%	2/90	0,00%	0/45	0,00%	0/45	0,00%	0/45
3R Fr B	1,85%	2/108	1,85%	2/108	1,85%	2/108	0,00%	0/10	0,00%	0/10	0,00%	0/10
3R Fælles	0,00%	0/5	0,00%	0/5	0,00%	0/5						
3R re	1,25%	1/80	1,25%	1/80	1,25%	1/80						
Samlet	0,98%	8/813	0,98%	8/813	0,98%	8/816	0,00%	0/175	0,00%	0/175	0,00%	0/175

Kingunerisassat	Tusarniaaneq
Allakkatigut mianersoqqussuteqarneq (tassani iliusissatut pilersaarusiortoqassaaq)	Aap
Immikkut piumasaqaatitaqartumik soraarummeerneq	Aap
Fagimi ataatsimi arlalinniluunniit misiltsinnissamut pisinnaatitaaffimmik annaasaqarneq	Aap
Namminerisamik ilinniarneq atuartitsinermik malinnaanissamut piumasaqarfigineqarani	Aap
Ingerlaannartumik atuutilersumik anisitaaneq	Aap



Takkutinngitsoortarnej 20% - 25% iluaniippat anisitaanermik kinguneqassaaq 1g aamma 2g nut. 3g aamma 4g nut nammineq atuarnermut malinnaanissamut periarfissiisoqassaaq.

Takkutinngitsoortarnej 15% aamma 20% iluaniip pat. Allakkatigut mianersoqqussut tunniunneqassaaq.

Takkutinngitsoortarnej 15% ataallugu

Akuersissummik tunisinermi maleruagassat ilinniartut takkutinnitsoornermi nakkutiginnittumiik makkuninga tungaveqarunik akuerineqarsinnaapput.

- GUX Nuuk mi aqqissuussanut peqataanermi.
- Peqataaneq ilinniartut ataatsimiisitaliaanni, annertussusileriikkami
- Takkutinngitsoornerit, milisitsinnissamut, pilersaaruseriikkanut.
- Peqataaneq ilaqutat qanigisat (angajoqqaat, qatanngutillu) ilisaanerani, imaluunniit nappaammik piartornerani. Ilisinermi peqaaneq, illoqarfimmi allami ilisisoqassatillugu ullut pingasuni takkutinnitsoornej akuerineqarsinnaavoq.
- Napparsimavimmut unineq, nakorsamik allagartamik takutitsinikkut, aammalu ilinniagassatigut immikkut malinnaaneq pilersaarusiugaq malinneqassalluni.
- Takkutinngitsoornej angalanermi kinguaattoornej pequtaalluni, qallunaat nunaanniit nunatsinnilu illoqarfiit iluanni.
- Timersornermi ingerlatalinnut takkutinnitsoornej akuerineqarsinnaavoq, umanniuarnerni peqataaneq pissutaalluni, isumaqatigiissutaareersut ESC mi aammalu GIF imi. Pilersaarusiukkat.

Mikael Enggaard
Rektori, GUX-Nuuk